

續修四庫全書

天
地
人
三
才

三
才
圖

三
才
圖

三
才
圖

三
才
圖

三
才
圖

《續修四庫全書》編纂委員會編

續修四庫全書

上海古籍出版社

一五一一・集部・別集類

養默山房詩藁三十二卷（卷十一至卷三十二）〔清〕謝元淮撰……………一

簡學齋詩存四卷 簡學齋詩刪四卷〔清〕陳 沆撰……………二一九

雲左山房詩鈔八卷附三卷〔清〕林則徐撰……………二八三

東溟文集六卷外集四卷文後集十四卷文外集二卷 後湘詩集九卷二集五卷續集七卷

中復堂遺稿五卷續編二卷（東溟文集卷一至後湘詩集卷二）〔清〕姚 瑩撰……………三六五

養默山房詩藁卷十一

松滋 謝元淮 默卿

吳朋集

庚辰

題北寺浮圖絕頂

閭闔巍巍閭門開秋山崢嶸青欲來浮圖摩空高崔
嵬飛鳥不下孤雲徘徊旋身四望心悲哀俯視不見
吳王臺昏烟雜逕殷如雷

登虎邱塔頂

不淺登臨興生公古道場升天無羽翼倚檻欲飛揚

養默山房詩藁

卷十一

十一

野水彎環綠秋畦次第黃晚來燈火燦列岫遠蒼蒼

恭擬

仁宗睿皇帝輓詞

乾曜翳景地圻天傾率土茹痛萬類震驚臣在草莽
雪涕吞聲作爲輓詞式揚

聖明於惟

大行揆天建極

舜德巍巍

文心翼翼惠此兆民撫綏萬國側席求治

恭已凝默囊括宇宙

神化充塞

御極之始蠢動羣苗

皇赫斯怒獨運

宸翰風馳電掣掃穴傾巢禍鍾楚蜀白蓮煽妖洗滌

川岳殄夷鏡梟八載奏績

宵旰爲勞惟梟與獍惡爲其性凶豎竊發蛾謀潛應

毒流曹滑震搖

宮廷

嗣皇神武指顧戡定誅類殲醜斬脰斷脛逆徒殄滅

九有成慶降水堯警瓠子漢歌自古爲患厥惟黃河

養默山房詩藁

卷十一

十一

武陟潰溢

睿慮恆多拯溺憂墊躋茲太和於惟

大行

至德侔天孝養

純皇錫類八埏

皇心怡豫

訓政三年載籍之盛罔有齊焉丕總

庶機續承

鴻烈居簡行約激揚清節珠玉咸屏珍奇貢絕

仁風旁靡

據華東師範大學圖書館藏清
光緒元年刻本影印原書版框
高一七五毫米寬二七二毫米

養默山房詩藁二

二

〔清〕謝元淮撰

天威四徹暖布陽和嚴凜冰雪二十五祀培育蘊結
翠華秋獮木蘭山莊追蹤

列聖振飭

皇綱同虞巡狩匪穆周行天胡不弔

龍馭上翔八音遏密四海慘傷雨露灑淚日月潛光
萋萋寸草莫補春陽揮涕北首躊躇徬徨猗歎萬世
令德彌彰

八月二十日虎邱看桂花

城市有山林相隨僻處行遊人仍滿眼楚客自孤吟
徧灑乾坤淚難為草木心徘徊花下久啼鳥亦哀音

虎邱山房詩集卷十一

虎邱孫子祠

海湧峯高冷碧燐叢祠展拜意遼巡千秋霸國推名
將一隊奇兵用美人老樹周遮旗幟立石山重疊陣
圖新吳王好戰誠英武只少陰謀富國臣

擬古兩頭纖纖詩二首

兩頭纖纖角弓垂半白半黑局中碁膈膈膊膊燎竹
枝磊磊落落晨星稀

兩頭纖纖眉峯碧半白半黑月生魄膈膈膊膊鳩拂
翼磊磊落落澗中石

題盧忠肅公奏議寄任階平 泰 文學荆溪

海宇飄騰寇盜侵恩恩傳檄箭戈林千秋大計防邊
策萬死孤臣報國心績比文山多戰伐才如武穆共
銷沈披來字字餘丹血擁鼻燈前不敢吟

上唐陶山觀察 仲見 四十韻

衡岳鍾靈秀星沙挺俊賢才名驚海宇惠澤徧江天
慷慨饒經濟淵深富簡編等身稱著述著儀禮蒙求
集 義手就詩篇弱冠登科日金門射策年紅綾初啖

餅花縣暫鳴絃 癸丑進士 簡用知縣 氣挾風雷壯春敷草木妍
其遣 碑猶霸國傳 令荆溪時構 勸農來水畔選勝歷

救時情惻惻懷古意拳拳墓為才人掃 唐六如墓梓
集 山巔只有烟霞癖翻多翰墨緣酒邀胥浦月舟泛畫

溪烟廣厦依寒峻 刺海州日通渠溉瘠田 開海州甲

江盤根能別利驥足本無先績課循良最階因特達
遷七閩移福曜五馬駕雲駟 部推編 借寇情方切思

龜興自編

聖恩增蓋秩民隱挽姚輿 大府保 泰 陳泉榮三仕

蘇廉使 三攝江 明刑化屢宣下車除暴客比戶慶安眠屈抑

平反雪孤寒委曲全仁心字格外生意滿胸前門繼
于公大恩同召伯延伏鸞委聳立雛鳳翼聯翩負荷

褒劉靜 刪修啟孟堅 哲嗣葦滄刺史現任甘肅涇州
牧鏡海太史以翰林權給諫

片長歸藻鑑多士待陶甄賤子常匏繫遊類網牽
迴噉中夜雁寂寞晚秋蟬久被毛錐誤徒將鐵硯穿
鉛刀求薛相鼠璞懼和捐竟以愚蒙獎真教喜欲顛
幾年空學佛一願便登仙仰岱瞻穹岫輪漚愧細涓
坐披雲錦爛私奉瓣香虔倘執經生業甘隨弟子員
官卑才易稱守拙遇何遭願効驅馳力還虞厯塊愆
飲冰原自信挾瑟更誰憐警咳聞餘緒逡巡獻短箋
慙非千里駿恐負九方歎

雨中望海 福山

到此江流盡洪波接混茫潮來天色暗風急雨聲狂

養默山房詩藁 卷十一

五

烟颺爭昏出蛟龍自偃藏蓬萊何處所長嘯對扶桑

曉發泰興至如皋

羣鴉曙爭啼孤城曉猶閉行邁出東門辨途遵軌轍
遠樹藹朝烟濃霜似微雪東南一角紅海濱上初日
川原迤邐過村塢參差出艱難感知遇辛苦生歡悅
雉皋憶前遊長夏正觸熱乙亥五月行役過此嚴親羈吳門望
我歸心切顛沛五六載往事那堪說惟此一寸心區
區抱丹血

尋水繪園故址 如皋

雉水卸征席霜飈滌塵鞅言尋冒氏園城角餘榛莽

敗屋環清渠洗鉢池蘭若梵唄響雨香陵谷久變遷園
名仍舊榜公子昔全盛豪華恣玩賞笙歌不厭繁文
字還爭長同時杜某與陳迎陵翩翩競英爽幸值干戈
餘興廢隨擾攘營此數畝宮畱爲後世想稚子薪落
葉寒禽弄哀吭階基片石存礪刃平於掌一叟耘中
庭叩之殊惘惘但道園主人曾與東林黨是非邈難
知其跡皆已往自我傭茲園肥饒異他壤揮鋤糞土
中每每獲遺纆昨日有狂生棲遲至月上不知何悲
哀徘徊對菰蔣富貴輾轉獨乾坤容俯仰日夕獨歸
來蓄念溯疇曩

養默山房詩藁 卷十一

太

黃橋役夫嘆

西去泰興東如皋中間最爾爲黃橋役夫不忍迎送
苦惟云奔走窮昏朝伊昔誰作厲階始送差東西二
十里官人如虎役如鬼殺爾何消寸餘紙渠送州中
差儂送縣中客鞭笞不許稍休息渠儂中道一相逢
卻教輿立語刺刺前歲官長初來時僕從十百如雲
馳就中兩郎芙蓉箋榜人指說官親隨黃橋役夫一
時盡捉差還捉里中兒昨日官差尤倉卒瓊裏十箱
街左列不知何物實箱中沈沈壓肩骨欲折骨欲折
不敢憐但得官差過那惜儂力殫儂今歸去還無眠

帶月往耕溪上田

贈崇川王辛園副榜 元崑 時年九十有三

耄年矍鑠隱蒿萊老樹婆娑記手栽天上仙人稀此
福海隅奇氣釀斯才論科名覺因人重有典型堪爲
世推只剩廉州閒太守 前廉州太守楊彌之世綸通
州人今年九十四尚健甚

小時曾共讀書來

示天甯寺僧

境遠得靜觀心恬甘蹇拙勞蹤息精舍暫喜塵鞅歇
疎花繞籬榮孤塔當窗兀凍雨復潺潺檐鈴共淒絕
旅懷不自遣愁思正飄忽一與湯休遇洒然契禪悅

養默山房詩藁

卷十一

七

大化本無爲楞伽歸寂滅說法現諸身毋乃佛饒舌
飲食具妙諦此外非所切萬里馳驂驢跬步遜跛鼃
芥子藏須彌彌天地一毛髮微笑會我心攜手還無說
但指海雲紅團圓上明月

擬昭明詩二首

大言

漱齒滄海涸昂首青天低五岳胸中藏日月掌上飛

細言

拓基蝸角閒爭戰蚊睫底萬國一微塵終古行不已

于役海門有作

深谷高陵有變遷望洋翻覺意茫然珠宮貝闕三山
杳葭屋蘆籬萬井連但使蒼生能讓畔何妨碧海盡
爲田於今

聖澤如春溥葭葦江蘩總可憐

登狼山

五峯羅列一峯尊上有樓臺接帝閭人到半山 亭先

息足我來絕頂最銷魂排雲樹色連天盡捲地濤聲
帶雪奔今古不堪成俯仰恩恩斜日又黃昏

狼山第一山門觀陶山觀察書額

題與名山壯梵宮高標不用碧紗籠只看揮灑淩霄

養默山房詩藁

卷十一

八

漢合使書生拜下風 額題更
上一層

舟次琴川欲雪復霽

失喜歸風便虞山翠滿航霰飛渾欲雪雲破忽殘陽
晚市人猶集寒空雁不翔自憐行役久裘敝犯冰霜

風利示舟子

小艇乘時也順流殷勤還與榜人謀布帆珍重休教
滿一葉風多一葉愁

雲閒旅次題鄭西峯縣丞

祖經

幽篁獨坐圖

避俗端宜對此君琅玕十萬上青雲窺人只許山頭
月鸞鶴秋空不可羣

海湧峯前成小別春申浦上一相尋於今四海誰知
已流水高山共此心

陶山廉訪作九九消寒詩分得寒蝶二首

曾尋芳草徧天涯又逐飛蓬到處家悟徹前身原木
葉可能知己屬梅花山閒露冷香衣重村裏風多粉
翅斜那得還吟三百首滿園冰雪夢南華

霜冷吳江詠落楓韶光何事太怱怱魂銷南國雙飛
地夢入西園八月中翩舞自因親暖日飄零才識感
春風陽和指顧來天上會遣羣芳發故叢

題聽濤圖

養默山房詩藁

卷十一

九

驟如萬馬馳天驕汨如八風臻林皋隗如天柱撐青
霄激如勁弩摧鳴鶻犀軍衝突靈胥怒龍伯鸛慄天
吳逃側耳傾聽者誰子悄然獨坐高山高我聞海水
環大地神山縹緲冠靈鼉長鱗千里穴海底出入鼓
蕩成汐潮又聞天度一月東西再四時消長隨昏朝
凌岳觸岸勢莫洩合沓怒張牛魚毛此事荒遠非目
見但聞洶洶入耳聲呼號人生耳目苦自蔽泰岱未
必加秋毫區區望洋嘆溟渤視之不啻杓與瓢枚叟
作賦固爲拙錢王設弩庸能豪紛紛樓船競帆櫓芥
舟杯水嬉堂坳君今置身青天外頽聆塵世徒囂囂

枕流漱石那無願藉此一洗俗音嘈邇來吾意尤蕭
索塊磊未得胸中消安能攜榼就君飲洪湍共對傾
香醪興闌莫便輕歸去天籟還聽松騷騷

養默山房詩藁

卷十一

十

養默山房詩藁卷十二

松滋 謝元淮 默卿

圯上集一

辛巳

將之圯上船入荆溪畱別陽羨諸君子

晷晷溪頭水不波蜀山門外客重過別來漸覺詩篇少到處還餘酒債多巒翠汎光仍映徹壯心豪氣漸消磨常時已道蘇州遠如此風烟北渡河

楊柳東風日日吹不吹花發只吹離先春送客行何遽隔歲看山約較遲國士尙虛知已報微才空貢

養默山房詩藁

卷十二

一

聖明時茲遊信是恩恩甚還與烟霞訂後期

荆溪呈陶泉大令

離情離思逐春生倚棹重來蝦虎城一劍飄零尋舊約四郊謳詠聽新聲冰融淺渚鷗知暖路入深林鳥不驚惟有五雲溪水潔澄澄長似宰官清

京口渡江抵廣陵

雙峯畱砥柱一舸破朝烟隔岸山如笑環隄柳欲眠繁華同逝水風景憶當年歌吹從來勝吾遊適偶然

官粥謠

東舍挈男西挈女齊領官粥向官府日高十丈官未

來粥香撲鼻腸鳴苦忽聞籠街呵殿高萬目睽睽萬口囂一吏執旗厥前招男東女西分其曹授以竹籤揮之去去向官棚施粥處投籤受粥行勿遲遲遲屢遭官長怒虬髯老吏攔前門手秉長杓色如瞋大口一杓小口半須知點滴皆官恩阿娘呼女兒呼耶官厥已收催還家片席爲廬蔽霜雪嚴寒只有風難遮道逢老叟吞聲哭窮老病足行不速口不能言惟指腹三日未得食官粥

查賑口占

景物蕭條甚陰陰漏夕暉草簾寒不捲空舍暮誰歸

養默山房詩藁

卷十二

二

犬瘡_子猶吠村荒燕亦稀儂今來活汝休訝吏敲扉

村舍桃花

榆膚剝盡草無芽蒨屋於今尙幾家已判窮檐春不到東風猶自放桃花

月夜遊圯上

夜氣收微暑閒行值小橋野風抽稚荻涼月媚深宵功業前賢繼鄉心此夕勞毋爲懷進履飛鳥憶王喬

聞郭公鳥

半戈山下日平西小麥黃時水拍隄有鳥催耕如識

我聲聲猶作故鄉啼

邳人耕耨駕車雜牛馬驢騾而馭之以謳歌
相呼輒宛轉如旨閭里謳聲相聞也爲賦

此詩

牛歌相應是何莊麥熟家家打麥忙黃犢行遲馬行
疾蹇驢恰好介中央

次韻答醒蕉

圯上光陰驚冉冉吳門楊柳想依依故人千里寄雙
鯉處士一星明少微生計已艱還抱病家山雖好漫
言歸秋風戲馬彭城道遲爾登臨醉落暉

答顧鐵卿謙秀才

養默山房詩集 卷十二

三

雙溪薄宦憐飄泊一卷明珠愧暗投已信才華工著
述卽看標格最風流招尋未過揚雄宅爛醉先登庾
亮樓惆悵河干分手處柳風花月去蘇州

白公隄上草如茵黃石山前衣染塵爲喜詩篇傳顧
况轉深潭水送汪倫

汪湘汀入都過訪得君手書湘汀家桃花潭上吟朋落

落如星散憂思明明逐月新試問金亭諸酒客臨風
憶否渡江人

贈州牧胡柴門晉司馬效竹枝體

艾山矗矗逼雲橫河水湯湯繞舊城山自青蔥河自
潤等閒不及長官清

哀鴻四野徧號飢手秉洪鈞默轉移不是使君親活
汝流離溝壑有誰悲

峴山東去路巖崎中有邳州刺史祠夜半荒庭低首
拜千秋心事兩人知

峴山漢魯公祠祀漢下邳令韓師伯今夏偶早君夜禱於祠明日大

清畏人知世法傳歸裝應載土盈船直教劉寵輪廉
介尙遷民間一大錢

錯節盤根須利器芒鞋竹屨漫相親勸君緩作歸田
計多少蒼生借寇恂

誰家暴骨枕荒烟便散千金買墓田無數旅魂齊感

養默山房詩集 卷十二

四

泣只今風雨皂河邊

去官有遺遺皂河見敗概暴露捐千金蓋瘞之

一廬分受水雲兼飽朔從今得守廉分付官田多種
秫安排春酒壽陶潛

舊城河有官地二十頃君以巡檢司清苦悉以租見歸

我作新詩不浪譽君爾惠政在東徐試聽白叟黃童
說明日齊攀刺史車

時以著升海去

雨後過銅山道中

一路隨芳草重重看遠山雨餘秋稼暢風定暮雲閒
犬吠來村塢人喧渡水灣今年瓜果賤野老趁墟還

蕭縣道上

風雨無時定奇雲散不收綠楊方拒暑紅蓼欲明秋

水勢傾中建民懷釜底憂試聽林外鳥牖戶早綢繆

曉入礪山

曙景連芒礪林花帶露芬朝霞輝映處猶似漢時雲
野沼蛙爭吹高空鶴不羣只愁議襪襪熱敢言勤

六月十五日礪山道中作 先君生日

大堤垂柳盡鳴蟬似代勞人訴可憐一寸功名慙

聖世尋常事業讓時賢雲迷芒礪成終古目斷荆湘
憶往年岵岵空存兒女隔今宵明月莫教圓

河水灣

黃河之水何太濁水濁斯堪濯我足狂瀾誰敢天上

養蒙山房詩集 卷十二 五

來不管千家萬家哭麻林茂茂豆苗齊可憐一夜沈
沙泥村樹若萍沒遠岸居民如鰥依長隄雨腳綿綿
斷還續生恐靈龍翻地軸急決支河殺奔湍旋添子
堰興畚築徐州北門勢九險高出黃樓猶欲激瓠子
不聞簌竹歌麻姑幾見蓬萊淺天然開口峰山頭三
日不啟河伯愁忽報黃流低一尺雖曰天幸由人謀
君不見昔時蘇文忠彭城堵築奏成功又不見近日
斯文襄全河收束加周防禹蹟要令徧九土堯心肯
使憂八荒不然河身日高何時已漫說臣心如止水
金堤縱築高連雲應向雲端籌釜底

鐵犀行

鐵犀鐵犀誰鑄汝兩耳已殘雙角弩鞭之不動亦不
肥日日堤邊飽風雨腹中有字作蚪文太歲在巳月
庚午當時鑄爾非無意豈媚兒童供狎侮陽侯朝來
作水戲已見飛波濺尻股偃鼠猶能一飲河犀兮犀
兮奈何不如鼠

于役礪山值河水盛漲自彭城放舟夜至下

邳得六百七十二言 全用三江韻

彭城四面山崆峒古稱要塞雄南邦禹蹟九州此其
一浮於淮泗無憂澤自從黃河再南徙陡從天際垂

養蒙山房詩集 卷十二 六

奔瀧羣山層疊束不住穿囓雕股驕難降北門岸狹
湫尤急濤頭俯射黃樓窗全郡生民繫性命周覽雉
堞心神慢築隄護險起高塹拋石禦水成危杠側聞
大府催購料稍芟廣蓄儲樞樞塢流豈無伸通法移
山竊抱愚公愬我昨行役入芒礪伏槽流水方濺涼
役夫昇我緣隄去欲行不行何路躩渴曦當空苦炎
熱林樾遙喜青樅樅依山高下建茅舍短籬紅白垂
秋豈扣門乞漿應少婦隔花吹客來驚危爲言今年
秋稼好薄田淳鹵勤耕耜春麥已登瓜菜賤青青麻
秫繁踴躍一夜忽漲礪山水坐看淪卷交春撞只疑

天吳戰海若犀軍壁壘森矛鏃鱷齒排空摩巨刃靈
鼉鳴鼓聲辭辭又疑河伯娶新婦淩波隱約迎仙娥
宓妃漢女侍左右遺釵解珮鏘琤琤帝遣巫咸爲下
問鹵簿騎從陳旌幢嗟余破浪擬宗慤兩漿便買瓜
皮艘昂然按劍踞鵠首一艚兼載驥與騶解纜乍如
天上坐滔滔巨浸飛孤雙兩涯極望混牛馬黃氣浩
汗晴爲曉千歲老樹足樑棟致之奚啻千人扛帶葉
連根欲貫月隨波汨沒同蘭芷隄邊古寺露鴟吻小
兒登木如尋橦居人撈物狎波浪不聞號泣聞喧嘩
可憐漂沒到蜚蟻蠅蝸蛙蛄蛻蛻緣木依草救不

養默山房詩藁

卷十二

七

得半生半死雙眸眩嗚呼山川有更變呂梁之險稱
無雙只今回瀾繞山下空谷樵足音跼蹐龍虎山閭
資分洩巖巖鑿斷撐雙筴奔湍到此忽徑辟中流阻
截橫長杠詎有怪物敢唐突或如噫氣填膺腔方盛漲時
水在峰山以上如物阻截下此裹裳可涉或云有土龍互河心是時日色已薄暮黑
雲挾雨天黢黢大風鼓浪浪掀簸惟仗忠信心忼忼
操舟老翁老猶健滿頭白雪鬚眉厖生長河濱識水
性多力似食延齡邦拏舟艤岸竟何處遠林明滅然
村釭問去圯橋更幾里兵夫夜起敲釭柳到家不知
夕瀾承香醪滿酌琉璃缸酒酣豪氣逼霄漢此水何

似江遠懷婆留奮雄武三千勁弩操羿逢嶭鷲
狂清歌底定安瀾只許流蹤縱功成拂衣返田里去
訪居士襄陽龐

大雨 全用十七洽韻

七月壬子大雨竟日迅雷震屋平地水數
尺越日復雨秋稼盡沒歲且再歉矣時瘟
疫流行千里傳染饑饉之後繼以大疫感
愴於懷輒賦五百九十字

元年歲在辛七月日臨甲毒熱燠熯燠微霖思霏雲
浸淫汗沾襦振搖手揮箒顰蹙眉不開呿張口難嚕

養默山房詩藁

卷十二

八

晦晦重陰屯熾熾暑氣壓浙瀝嗚瓦溝飄灑動簾押
暴凍忽翻盆檐檐驚倒峽泡珠亂跳暈迸溜交趣飲
勢怒竄蛟螭聲喧瘖鵝鴨霹靂耳轟聾礮礮昨閃眨
積穢洶渣汗時疫散瘟劫黑蜮騰靈淵駭犀吼寶匣
宏寶成滲漏徑路愁躓踰忽決拍池塘凜寒寒肩胛
獨止幽人廬思披處士袷嗟茲古下邳獮俗競輟雪
原田半斤鹵貨殖重鹽筴小市足蝦鮓居民工鮑鮓
卑窪釜底危偏側箭筈狹捍禦資隄堰興築勞畚鍤
墊溺厘
宸衷周防馳府劄盛漲昨滿槽宣洩分啟牖短垣突

縱橫遙岑圍岌岌業伐巖崑成厂投石五類破綿綿輸
樵薪捐捐競鏹鉶幸免潰決虞已殫疏鑿法余心隱
懷憂鼻息潛不飲彼颺颺乘流如會盟爭敵壩端阻
崩奔刷衝疑監逮深念恆怛怛訛言衆喑喑况值饑
饑餘久荒耘籽業咽咽電產蛙蠱蠱石生蚰晚稼多
於雲柔莢嫩可招豆苗泥腳盤林穗水心插立根猶
倔強臥葉但押揭汨沒隨渦濤傾圮盡門郊復爾雨
滂沱坐看波浹渌河伯胡不仁兩師豈誰憎

朝廷祀川瀆典禮繼蒸飴祠屋徧宸區繪采絢壁翠
偶形範土金戎服製袂袷盆陳牲碩肥樂奏笛竽圖
九

祈禱走羣兒跪拜手雙投祝詞致敬恭神意應迫忤
奈何安素餐母乃實庸怯願得蒼穹儻哀此黔首乏
呼晴命鳴鳩催曉來鷄鳴長空瘴霧消大地謳歌洽
更獲萬峯移驛置兩岸夾劍割乖龍耳鎖穿支祁脅
禹績又成功堯脯涼瑞華節過七夕機航受三人怡
芰荷互低昂鳬雁羣唼藻齒折康樂展角墊林宗怡
而我恣遨遊於焉供賞狎大笑或軒渠酣睡時駒船
估屈詩擬韓縹緲架盈鄴載賡日重光滿引酒一呷

聞哭

疫氣溫磨滿川谷盲風苦雨相追逐鬼伯假假亂捉

人鵬鳥羣飛萬家哭昨日西舍孤兒殤哀哀寡婦號
兒傍日夕無聲婦亦死鄰人藁送羊山陽凶災流傳
幾千里但見滿目白冠裳嗚呼自古誰無死旦暮恩
恩那有此仰天一慟天蒼蒼人哭我哭淚如水把酒
欲飲酒先傾拔刀斫地刀光橫唐衢別有傷心處那
作途窮阮步兵

得余次卿書喜其以御史

記名

秋山欲醉雁南賓錦字傳來近

紫宸幾載雲泥成契闊當時蹤跡聚風塵青箱世業

養山房詩集

卷十二

慙遙胃

十二世祖雲圖公嘉祐中御史巡按川陝

白簡聲華屬故人記得

南雍同讀史

燈前慷慨說埋輪

王茂讀書南學事

仙蹤乍喜住蓬岑粉署為郎歲序深傾耳直聲焚諫

草早聞佳話重儒林書來八月添秋思

恩到重泉感寸心

本年恭遇

西恩先父母得

翹首

神京還北望西風圯上獨沈吟

得家信

遠信隨梧葉秋風動客懷操持資婦健攻苦望兒佳
挽鹿情空切將雛願未諧思鄉多少意斜日散蕭蕭

哭外舅劉碧峯先生

嗟我傷幾子惟公屬老成家書千里至岱嶽一峯傾
玉愧陳平美冰懷樂廣清轉悲離別日珍重慰孤征

二

歷數生平事道逢亦坎軻酒懷秋後健愁思暮年多
忽忽情何極垂垂鬢已皤東芻遙寄奠還憶醉顏酡

秋夜不寐

兀坐成幽獨宵長漏欲沈窗明知月上蟲語得秋深
怕作還家夢聊爲楚客吟徘徊渾莫遣冷露溼花陰

促織

養默山房詩藁

卷十二

十一

促織爾何意纏綿終夜吟豈能勸女職亦自訴秋心
月落牆根暗風來草露侵此時最清絕相與伴更深

土山謁關壯繆祠

大節難回國步艱長甯祠屋獨人閒
冷落荆州

客斜日西風拜土山

夜雨述悶

重陽已過未看菊雨聲日夜愁蕭蕭天公不肯慰孤
客更遣哀雁鳴寂寥平原秋草爛已死膾角遺豆新
茁茁陽氣發亂靡收束棗花再放紅榴桃我生與我
周旋久豈共草木爭榮凋榮枯通塞各有遇非時妄

露斯爲奴一燈豆熒照研席苦吟矻矻眉脫毫詩成

知覆誰家甑且復痛飲舖其糟自古詩人例坎軻宣

籍髡烏寒如郊我詩不逮數子遠卑官薄俸猶濫叨

朝廷職守那容曠乃呼騎曹爲馬曹擲筆一笑且歸

臥臥待初日扶桑高

送陳枚坪 慶銘之桃源

送秋兼送客秋去客愁深夜雨催行色西風感舊林

我空遊圯上君喜近淮陰君家山陽望望桃源路詩筒好

寄吟

題王性餘司馬士鍾獨坐幽篁圖

養默山房詩藁

卷十二

十二

渭川千畝自修修一笑何須萬戶侯除卻此君惟獨

坐曾無俗客許同遊右軍帖仿蘭亭勝中允園稱竹

里幽比似林間風景好滿天青籟淡吟秋

喜聞陶山廉訪

簡授陝西方伯

入覲

天顏暖正融旌旗遙拂杏花紅民如赤子思慈母我
爲蒼生借寇公乍喜清風來海上還移愛日向秦中
定知畫舫吳門過夾岸爭迎竹馬童
似此憐才信夙根江南詞客半公門品題偶與尋常

異聲價居然十倍尊驥困鹽車思樂願蝶依東藥待
春溫文章我自慙知已不是隨人說感恩

亞父冢 銅山

城南遺冢剩荒邱豎子何常足與謀王玦空提撞玉
斗鴻門矢擊割鴻溝漫將楚漢論成敗只就君臣辨
劣優爭帝圖王須磊落陳平六出計堪羞

戲馬臺 銅山

學書學劍志非常畫錦胡然戀故鄉逐鹿偶閒聊戲
馬沐猴雖諱竟亡羊大言早已無秦帝杯酒終能釋
漢王千古廢興同一慨歌風遺址久荒涼

秦默山房詩藁 卷十二

圭

彭祖井 銅山

戲馬城中古井泉州人指點說彭簪豈同廉讓之間
水曾照商周以上天一飲定知能解渴千秋猶是詔
延年河流那得如斯靜不起波瀾浸碧鮮

放鶴亭 銅山

鶴去雲龍僅有亭東坡此處記曾經橫天巨浪千層
濁到眼奇峰數點青羽化丁仙空自苦笙吹子晉待
誰聽滔滔隱抱沙蟲慮漫說山人戶半局

石佛寺 銅山

畢竟禪身佛未空雲龍高聳梵王宮因山始信根基

回鑿石翻嫌面目同下拜偶然隨米老點頭何日遇
生公金剛不壞渾閒事枯坐爭禁萬古風

黃樓 銅山

城上黃樓接水濱河中濁浪射重圍當年結構宜風
月此日凋殘滿棘榛千古豈無賢太守一家難得總
才人我來何限栖遲意不獨荒涼感慨頻

間荆溪任禮塘文學 安上亡

寂寞長溪冷芟荷故人回首嘆巖阿好名不免因文
累得意空憐被墨磨晚歲交遊惟我少平生著述惜
君多遙知斗室荒涼甚重檢遺編憶苦哦

秦默山房詩藁 卷十二

西

喜聞任階平鄉闈報捷

秋風一爲破牢騷芳訊傳來我亦豪執藝門牆漱里
近傳經家學釣臺高堵平爲漱里張霽青高論文未
覺科名重射策宜將史筆操圯上遲君紅杏發卻看
垂柳染春袍

題雪中乞食圖

誰憐失路飯王孫敝布單衣凍不溫大雪滿山流水
斷茫茫何處認朱門

十年吳市嘆艱辛我亦勞勞乞食人便欲相隨山裏
去於今舉俗厭單負